

增修萬縣志卷十一

地理志

學校

書院

義學

考棚

桂宮

古之教者必立學學者人材之藪也我

朝加意庠序禮師儒先行誼漢室崇儒而文翁化蜀不

足云也萬人士英髦蔚起理學則慕廬稽古則善長

清溪西夏篤行則蒼山靜軒環山體齋循良則存存

忠烈則秦劉陳張其餘不可勝紀蓋涵濡

作人雅化有本原矣夫春秋釋奠朔望釋菜範之以先聖

萬縣志

卷十一

地理志

學校

一

先師模之以先賢先儒與夫明倫堂之卧碑學宮之

訓飭師儒所以教弟子員所以學豈區區季考月課校藝角

技云爾哉

儒學 在縣治北洪武十三年知縣桂仲權因元學

舊址重建景泰間知縣許斌成化間知縣徐熙嘉靖

間知縣龍雲沈清先後重修萬曆二年兵巡副使范

檄知府郭棻行萬縣加修 學宮明末流寇亂燬

國朝康熙初草創數楹燼於甲寅吳逆之變二十二年

知縣張永輝重建 殿廡門署是後知縣劉乃大重

修明倫堂知縣李大魁重修兩廡製樂器祭器久漸  
圯毀嘉慶十二年知縣陳煥章李堦宋大中李嘉佑  
仇如玉相繼勸捐重修至道光五年功始告竣

省志

國朝制設萬縣學額八名

文童原額歲科試各取進入名咸豐間以捐輸津貼  
加永定學額三名同治二年加永定學額一名歲科  
試定額各取進十二名原額廩生二十名每名歲支  
廩餼銀九兩六錢遇閏加銀八錢以錢糧不敷未領

萬縣志

卷十一

地理志

學校

二

康熙二十四年乃復三分之一每名歲領廩餼銀三  
兩二錢共銀六十四兩遇閏加增在地丁銀內留支  
增生二十名二年一貢逢酉科拔貢一名

武童原額歲試取進入名咸豐間加三名同治二年  
加一名歲試定額取進共十二名

順治九年題准刊立臥碑置於明倫堂之左曉示生  
員道光間訓導鍾崇盛重刊年久漫滅咸豐五年訓  
導范泰衡謹書石學弟子員重刊

朝廷建立學校選取生員免其丁糧厚以廩膳設學院

學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後 一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡 一生員立志當學爲忠臣清官書史所載忠清事蹟務須互相講究凡利國愛民之事更宜留心 一生員居心忠厚正直讀書方有實用出仕必作良吏若心術邪刻

萬縣志

卷十一

地理志

學校

三

讀書必無成就爲官必取禍患行害人之事者往往自殺其身常宜思省 一生員不可干求官長交結勢要希圖進身若果心善德全上天知之必加以福 一生員當愛身忍性凡有司官衙門不可輕入卽有切已之事只許家人代告不許干與他人詞訟他人亦不許牽連生員作證 一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰 一軍民一切利病不許生員上書陳言如有一言建白以違

制論黜革治罪 一生員不許糾黨多人立盟結社把持  
官府武斷鄉曲所作文字不許妄行刊刻違者聽提  
調官治罪

康熙四十一年

**御製訓飭士子文頒行直省各學**

國家建立學校原以興行教化作育人材典至渥也朕臨  
御以來隆重師儒加意庠序返復慎簡學使釐剔弊端務  
期風教修明賢才蔚起庶幾機械樸作人之意乃比年士習  
未端儒效罕著雖因內外臣工奉行未能盡善亦由爾諸

萬縣志

卷十一

地理志

學校

四

生積錮已久猝難改易之故也茲特親製訓言再加警飭  
爾諸生其敬聽之從來學者先立品行次及文學學術事  
功原委有序爾諸生幼聞庭訓長立宮牆朝夕誦讀甯無  
究心必也躬修實踐砥礪廉隅敦孝順以事親秉忠貞以  
立志窮經考業勿雜荒誕之談取友親師悉化驕盈之氣  
文章歸於醇雅毋事浮華軌度式於規繩最防蕩軼子矜  
佻達自昔所譏苟行止有虧雖讀書何益若夫宅心弗淑  
行已多愆或蜚語流言挾制官長或隱糧包訟出入公門  
或唆撥奸猾欺孤凌弱或招呼朋類結社要盟乃如之人

名教不容鄉黨勿齒縱幸脫褫扑濫竊章縫返之於衷甯無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰關何所不至又安望其秉公持正爲國家宣猷樹績膺先後疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學

萬縣志

卷十一

地理志

學校

五

以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟他求哉若乃視爲具文玩愒勿儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之

乾隆五年

欽 頌太學訓飭士子文

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也

萬縣志

卷十

地理志 學校

六

使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知返終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知占人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之

固存養省察闡然自修世俗之紛華靡麗無足動念何患  
詞章聲譽之能奪志哉况卽爲科舉亦無礙於聖人之學  
朱子云非是科舉累人人累科舉若高見遠識之士讀聖  
賢之書據吾所見爲文以應之得失置之度外雖日日應  
舉亦不累也居今之世雖孔子復生也不免應舉然豈能  
累孔子也朱子此言卽是科舉中爲己之學誠能爲己則  
四書五經皆聖賢之精蘊體而行之爲聖賢而有餘不能  
爲己則雖舉經義治事而督課之亦糠粕陳言無裨實用  
浮僞與時文等耳故學者莫先於辨志志於爲己者聖賢

萬縣志

卷十一

地理 學校

之徒也志於科名者世俗之陋也國家養育人才將用以  
致君澤民治國平天下而固其積習不能奮然求至於聖  
賢豈不謬哉朕膺君師之任口厚望於諸生適讀朱子書  
見其言切中士習流弊故親爲諸生言之俾司教者知  
所以教而學者知所以學

書院

集賢書院

在東門外

嘉靖知縣歐纂建今廢

劉公書院

在學宮左

隆初知縣劉乃大建今改

作龍神祠

南浦書院 舊址無考

西山書院 在廣濟寺右知縣梁文五建今廢

鳳山書院 在東關外乾隆四十九年知縣孫廷錦

建並置學田嘉慶十六年庠生杜越捐銀五百兩生

息資膏火道光四年知縣仇如玉倡捐銀二百兩邑

紳江西定南廳同知賴烈江蘇安東縣知縣杜禮等

共捐銀一千一百四十兩貢生蔣承棟衛千總楊其

柱等共捐錢九百六十千具碑記除培修院舍置器

具並贖回舊產外所餘銀錢交典當生息以作添補

### 萬縣志

#### 卷十

地理 書院

八

山長束修並生童膏火獎賞及士子鄉會試卷費今  
書院遷地此為佃舍

萬川書院 在鳳山書院右咸豐五年知縣陸燧以

鳳山湫隘不足容學子金三百倡募改建於舊址

之上其上為史氏捐地 賈楚人公屋握之以廟其

基期年落成講堂三間 舍四十餘間由市北厯階

者三而后至大門由大 厯階者二而后至講堂更

厯階二而后至 奎座 山長書室右長生祠綴以

垣墻遠絕俗氛高接文 江山之勝盡入兩丈易其



名曰萬川以鳳山與大甯同名也七年知縣馮卓懷捐五百金倡募錢四千餘緡置田畝增膏火定課規移奎座於前樓祀宋五子同治二年增修前後過道廳三年周築後垣工程乃竣先後凡置田業十餘處歲入租二百三十石房佃地課錢五百三十二千虬溪書院在縣南市郭里道光十一年邑紳民易光晨秦正高張問恒秦德輝冉之瑜李自富秦永興鄔興禮共捐銀二千六百四十兩勸輸銀百八十兩錢六百餘千於來瞿塘演易臺故址建書院置買田

萬縣志

卷十

地理志

書院

九

產五契歲入租二十石每年延師訓課刊來氏年譜日錄大學古本入聖工夫字義等書秦正高等議叙八品頂戴同治三年首事易濂等稟請附入萬川書院經理

鼎峯書院在三正里三甲咸豐七年廩生金維斗何貞介等勸捐建講堂三間後廳三間前廳五間東西堂各一間廂房各三間計用錢千五百緡知縣馮卓懷捐銀三十兩紳民捐田直銀四百餘兩夏育才陳光顯何海清何正璋譚如璋譚茂春共捐田直錢

千七百緡林鳳鳴夏紹麒雷金聲監生孫雲程共捐錢千二百緡

太和書院 在大周里一甲紅巖寨咸豐九年職員余茂林及子登庸等捐建講堂正屋五間左右橫屋各二間後屋各二間下屋三間外樓一間左右橫屋各四間下屋二間廚房四間屏牆一座計費錢二千五百餘緡茂林捐田業歲收租穀二十五石登庸登光登鑑共捐錢二千六百緡余學浩余鳳池各捐錢二百緡置田業二契每年共收租穀六十石知縣馮

萬縣志

卷十一

地理志

書院

十

卓懷捐銀四十兩詳報立案

義學

社學五所

明嘉靖間知縣成敏貫建今廢

義學一所

在治西康熙間知縣張永輝捐建今廢

義學一所

舊志知縣鮑鎔建兩廊十餘間今廢

城內義學一所

職員杜越建

上堡義學一所

中堡義學一所

五甯場義學一所

灤渡場義學一所

分水嶺義學一所

佛寺鋪義學一所

龍駒壩義學一所

以上道光四年知縣仇如玉奉文諭士民捐建

上堡義學一所

在高廟寺側同治三年建學舍四

間紳糧劉炳植杜二懷楊祖培等捐貲置中堡街房

坐屋岔街舖面王丙朝捐杜家壩地基收佃錢九十

餘千每年束修錢五十六千收生徒六十名

大周里四甲義學

道光六年劉大海捐銀三百兩

附入鳳山書院生息延師館設觀音閣

大周里義學一所

道光四年卓先發倡募重修入

角廟有

先師像左右書室六間二十一年冉氏廣

### 萬縣志

#### 卷十一

地理志

義學

十一

德廣碧金昭德捐田業歲收租穀以供香火薪水

重巖義學一所

姜遇昌等設

瑞池場義學一所

童俸文等設

東關外義學一所

崇善堂公設堂內兼設醫館

以上咸豐七年新增

大周里義學一所

文生余耀奎捐田業歲租十五

石修學舍五間

考棚

在治東門外邑舊無考棚試於縣署道光十

九年職員杜鍾帽獨任捐建號舍三十餘間坐號一

千八百有奇大堂二堂上房頭儀門並執事房共六十餘間磚牆周一百餘丈越三載落成計用制錢一萬六千二百餘緡規模宏敞工程結實咸豐九年冬知縣馮卓懷移 文廟左側 奎星樓於考棚  
桂宮 在 文昌廟左側正廳三間漱江亭一座榕舫三進懸樓二間長廊十三楹荷池一泓同治四年知縣張琴建修以爲賓興之所懸樓外隙地二畝許  
衛成鵬捐

萬縣志

卷十一

地理志

考棚

桂宮

十一